

程

花草科編九卷目錄

長調

東風齊着力

法曲獻仙音

塞翁吟

意難忘

勸金船

露華

錦園春

月城春

賀聖朝

輓轡金井

金盞倒垂蓮

臨江仙引

如魚水

淒涼犯

尾犯

一名碧芙蓉

紅情

徵招

滿江紅

四十九

梅子黃時雨

雪明鳩鵲夜

雪梅香

一枝春

六么令六

應天長

一名馬廳四

玉漏遲 二

滿庭芳 三十

七

天香 二

水調歌頭 二十

八

瀟湘夜雨 三

三

玉梅香慢

掃花遊 二

白雪

小聖樂

塞孤 三

夢揚州

芭蕉雨

王女迎春慢

燭影搖紅 八

熙州慢

望雲間

卓牌兒

早梅香

塞垣春

步月

漢宮春 十

陽臺路

暗香 二

西子粧

黃鶯兒 二

鳳凰臺上憶吹簫 四

四

國香

醉蓬萊 九

碧牡丹

聲聲慢 十一

八聲甘州 六

留客住

雪月交光

慶千秋

花草粹編九卷目錄終

花草粹編卷之九

朗陵外方陳耀文晦伯甫篋

長調

東風齊着力

夕除

胡浩然

殘臘收寒三陽初轉已換年華東君律管迤邐到山
家處處笙簧鼎沸會佳宴坐列仙娃花叢裏金爐滿
蕪龍麝烟斜 此景轉堪誇深意祝壽山福海增加
玉觥滿泛且莫厭流霞幸有迎春壽酒銀餅浸幾朶
梅花休辭醉園林秀色百草萌芽

法曲獻仙音

夏初

周美成

蟬咽涼柯燕雙塵幕漏閣籤聲時度倦脫綸巾困便
湘竹桐陰半侵朱戶向抱影凝情處時聞打窓雨
耿無語嘆文園近來多病情緒懶尊酒易成間阻縹
緲正京人想依然京兆眉嫵翠幕深中對徽容空在
紈素待花前月下見了不教歸去

吳君特

落葉霞翻敗窓風咽暮色淒涼深院瘦不關秋淚緣
生別情銷鬢霜千點悵翠冷搔頭燕那能語恩怨
紫簫遠記桃枝向隨春渡愁未洗鉉水又將恨染粉
縵澁離箱忍重拈燈夜裁剪望極藍橋綵雲飛羅扇

歌斷料鸞籠玉鑲夢裏隔花時見

姜堯章

虛閣籠寒小簾通月暮色偏憐高處樹隔離宮水平
馳道湖山盡入尊俎柰楚客淹留久砧聲帶愁去屢
回頽過秋風未成歸計誰念我重見冷楓紅舞喚
起淡粧人問逋仙今在何許象筆寫牋甚而今不道
秀句怕平生幽恨化作沙邊煙雨

塞翁吟

周美成

暗葉啼風雨窓外曉色瓏璵散水麝小池東亂一岸
芙蓉蘄州簟展雙紋浪輕帳翠縷如空夢遠別淚痕

重淡鈿臉斜紅。忡忡嗟憔悴，新寬帶結羞艷冶。都
銷鏡中有蜀紙，堪憑寄恨等。今夜洒血書詞，剪燭親
封。菖蒲漸老，早晚成花，教見薰風。

青山

坐對梅花笑，還記初度年時。名利事總成，非謾老矣。
何為吳山夜月，閩山霧面，首鬢影如絲。懶更問斗牛
箕，強憑醉成詩。閑思嗟漂泊，浮雲飛絮，曾跌蕩春
風。柘枝便萬里，金臺築就已長分。采藥龐公，掘墓羲
之，百年政爾一笑。樽前兒女牽衣。

意難忘

佳

周美成

衣染鶯黃愛，停歌駐拍，勸酒持觴。低鬟蟾影動，私語
口脂香。簷露滴竹風涼，拚劇飲淋漓。夜漸深，籠燈就
月子，細端相。知音見說無雙，解移宮換羽，未怕周
郎。長顰知有恨，貪耍不成粧。此箇事惱人腸。試說與
何妨。又恐伊尋消問息，瘦減容光。

程正伯

花擁鴛房，記馳肩髻小，約鬢眉長。輕身翻燕羽，低語
轉鶯簧。相見處，便難忘。肯親度瑤觴。夜向闌，歌翻郢
曲，帶換韓香。別來音信難將，似雲收楚峽，雨散巫
陽。相逢情有在，不語意難量。此箇事，斷人腸。怎禁得

栖惶待與伊移根換葉試又何妨

贈友

宋梅洞

鷄犬雲中笑種桃道士虛費春風山城看過鴈春水
夢為龍雲上下燕西東久別各相逢向夜深江聲浦
樹鐙影漁篷舊遊新悶重重便十分談笑一樣飄
蓬詩書摧意氣丹鼎賺英雄年未老世無窮春事苦
匆匆更與題詩藥市沽酒新豐

勸金船

張子野

流泉宛轉雙開竇帶染輕紗皺何人暗得金船酒擁
羅綺前後綠定見花影照並與鬢粧爭秀行盡曲名

休更再歌楊柳光生飛動搖瓊甃隔障笙簫奏須
知短景歡無足又還過清晝翰閣遲歸來傳騎恨留
住難久異日鳳凰池上為誰思舊

露華

王

張仲舉

瀛洲種玉總付與花神月底深斲琢就瑤笄光映鬢
雲斜蠹幾度借取搔頭別試漢宮粧束風露冷幽香
半襟淡竹闌曲亭亭雪艷愁獨愛粉沁冰簟須撚
金粟石上那回磨斷爭忍輕觸一自楚客歸來珠履
舊遊誰續秋夢起殘粧半簪墜綠

錦園春

葉

蒲江

醉痕潮玉愛柔英未吐露叢如簇絕艷矜春分流芳
金谷風梳雨沐耿空抱夜闌清淑杜老情疎黃州賦
冷誰憐幽獨王環睡醒未足記傳榆試火高照宮
燭錦幄風翻縵春容難續迷紅怨綠漫惟有舊愁相
觸一舸東游何時更約西飛鴻鵠

賦牡丹三犯

前人

晝長人倦正凋紅漲綠懶鶯忙燕解連絲雨濛晴放

珠簾高捲醉蓬神仙笑宴半醒醉綠鸞飛徧雪獅碧

玉闌干青油幢日沉香庭院醉蓬洛陽遺圖舊見向

天香深處猶認嬌面解連雲霧縹緲新詞墨淡剪醉蓬

乘情高意遠怕容易曉風吹散雪獅一笑何妨銀臺

換蠟銅壺催箭醉蓬

月城春壽無為

前人

五雲騰曉望凝香畫戟恍然蓬島解連玉露冰壺照

神仙風表醉蓬詩書坐嘯喚淮楚滿城春好雪獅雨

谷催耕風帘戲鼓家家歡笑醉蓬南湖細吟未了看

金蓮夜直丹鳳飛詔解連鬢影青青辦功名多少醉

蓬持杯滿醕聽千里載歌難老雪獅試問尊前蟠桃

次第紅芳猶小醉蓬

賀聖朝謹詞宣

清夜錄

太平無事四邊寧靜狼烟杳國泰民安謾說堯舜禹
湯好萬民翹望景龍門上龍燈鳳燭相照只聽得教
坊雜劇喧笑 藝人巧寶籙宮前呪水書符斷妖良
岳傍邊竹林深處勝蓬島笙歌鬧柰吾皇不候等元
宵景色來到只恐後月陰晴未保

宣和七年預借元宵時有此詞淳祐三年京尹趙
節齋與竹清預放元宵十二日十四日諸巷陌橋
道皆編竹為張燈之計臣僚劄子引此詞末二句
為次年五月五日金人入寇之讖十五日早晨遂
去

輓轡金井

劉改之

翠眉重拂後房深自喚小蠻嬌小綉帶羅垂報道濃

粧總了堂虛夜悄但依約鼓簫聲關一曲梅花樽前
舞徹梨園新調 高陽醉山未倒看鞋飛鳳翼款
微搯秋滿東湖更西風涼早桃源路香記流水送舟
曾到桂子香濃梧桐影轉月寒天晚

金盞倒垂蓮

依約疎林見盈盈春意幾點霜麩應是東君試手作
芳菲粉面倚天風微笑是日暖雪已晴時人靜么鳳
翩翩踏碎殘枝 幽香渾無着處甚一般雨露獨占
清奇淡月疎雲何處不相宜陌上報春來也但綠暗
青子離離桃杏應伏先容次第追隨

臨江仙引

柳耆卿

夢覺小庭院冷風浙浙疎雨瀟瀟綺窗外秋聲敗葉
狂飄心搖柰寒漏未孤帟悄淚燭空燒無端處是綉
衾鴛枕閑過清宵 蕭條牽情繫恨爭向年少偏饒
覺新來憔悴舊日風標魂銷念歡娛事烟波阻後約
方遙還經歲問恁生柰得如許無聊

如魚水

京都

前人

輕雷浮空亂峯倒影瀲灩十里銀塘繞岸垂楊紅樓
朱閣相望芰荷香雙雙戲鷓鴣鴛鴦乍雨過蘭芷汀
洲望中依約似瀟湘 風淡淡水茫茫動一片晴光

画舫相將盈盈紅粉清商紫薇即修禊飲且樂仙鄉
便歸去徧歷鑿坡鳳沼此景也難忘

凄凉犯

蕭疎野柳嘶寒馬蘆深還見遊獵山勢北來甚時曾
到醉魂飛越醉風自咽擁吟鼻征衣暗裂正淒迷天
涯羈旅不似灞橋雪 誰念如今老目極寒波坐分
黃葉空憐斷梗夢依依歲華輕別待擊歌壺怕如意
和冰凍折且行行平沙萬里盡是月

二

西風暗剪荷花碎柔縷不解重緝荒烟斷浦晴暉零

亂半江搖碧悠悠望極忍獨聽秋聲漸急更憐他柳
髮蕭條相為動愁色 老態今如此獨自留連醉筇
遊屐不堪瘦影渺天涯儘成行客因甚忘歸謾吹裂
山陽夜笛夢三十六陂流水未曾得

尾犯

一名碧芙蓉

柳耆卿

夜雨滴空堦孤館夢回情緒蕭索一片閑愁丹青難
邈秋漸老蛩聲正苦夜將闌燈花旋落最無端處總
把良宵抵恁孤眠却 佳人應怪我別後寡信輕諾
記得當初剪香雲為約甚時向幽閨深處按新調流
霞共酌再同歡笑肯把金玉珍珠博

紅情

荷花

無邊香色記涉江自採錦亭雲蜜剪剪紅衣學舞波
心猶曾識一見依然自語流水遠幾回空憶看倒影
窺粧玉潤露痕濕 閑立翠屏側愛向人弄芳有酣
斜日料應太液三十六宮土花碧清興陵風更爽無
數蒲汀如昔泛片葉烟浪裏卧橫紫笛

徵招

彭元遜

和煥甫秋聲君有遠遊之興為道行路難
以感之

人間無欠秋風處偏到霜痕月杪風雨船蓬日夜風

波未了忽潮生海立又天濶江清欲曉孤迥幽深激
揚悲壯浮沉浩渺 行路古來難貂裘敝匹馬關山
人老錦字未成寒到君邊書到夢倚門回首見女燈
前嬉笑早斟酌萬里封侯寶鏡逢霜照

荅仇山村寄

張叔夏

可憐張緒門前柳相看頓非年少三逕已荒涼更如
今懷抱薄遊渾未減滿烟水東風殘照古調誰彈古
音誰賞歲華空老 京洛染緇塵悠悠意獨對南山
一笑只在此山中甚相逢不早瘦吟心共苦知幾度
剪燈窓小何時更聽雨巴山賦草池春曉

滿江紅

退寓南都

杜衍

言行錄

無名無利無榮無辱無煩無惱夜燈前獨歌獨酌獨
吟獨笑又值群山初雪滿又兼明月交光好便假饒
百歲擬如何從他老 知富貴誰能保知功業何時
了筭簞瓢金玉所爭多少一瞬光陰何足道但思行
樂常不早待春來携酒帶東風眠芳草

桐川

柳耆卿

暮雨初收長川靜征帆夜落臨島嶼蓼煙疎淡葦風
蕭索幾許漁人橫短艇盡將燈火歸村落遣行客到
此念回程傷漂泊 桐江好煙漠漠波似染山如削

遠嚴陵灘畔，鷺飛魚躍，遊宦區區成底事。平生况有
雲泉約，歸去來，一曲仲宣吟，從軍樂。

張子野

飄盡寒梅笑，粉蝶遊蜂未覺。漸迤邐，水明山秀，暖生
簾幕。過雨小桃紅未透，舞烟新柳青猶弱。記画橋深
處，水邊亭，曾偷約。多少恨，今猶昨。愁和悶，都忘却。
拚從前爛醉，被花迷着。晴鴿試鈴，風力軟，雛鶯弄舌。
春寒薄，但只愁，錦綉闌粧時，東風惡。

黃州上東坡

李嬰

荆楚風煙，寂寞近中秋。時候露下，冷蘭英，將謝葦花

初秀。歸燕殷勤辭巷陌，鳴蛩淒楚來窓牖。又誰念江
邊有神仙，飄零久。橫琴膝，携筇手。曠望眼，閑吟口。
抵紛紛萬事，到頭何有。君不見，凌煙冠劍客，何人氣
貌長依舊。歸去來，一曲為君吟，為君壽。

春暮

東坡

晁無
咎

東武南城，新堤固漣漪。初溢隱隱，遍長林，高阜卧紅
堆碧。枝上殘花吹盡也，與君試向江邊覓。問向前猶
有幾多春，三之一。官裏事，何時畢。風雨外，無多日。
相將泛曲水，滿城爭出。君不見，蘭亭修禊事，當時座
上皆豪逸。到如今，修竹滿山陰，空陳迹。

春閨

周美成

晝日移陰攬衣起春牕睡足臨寶鑑綠雲繚亂未忺
粧束蝶粉蜂黃都過了枕痕一線紅生玉背盡攔脉
脉悄無言尋棋局重會面何時卜無限事縈心曲
想秦箏依舊尚鳴金屋芳草連天迷遠望寶香薰被
成孤宿最苦是蝴蝶滿園飛無心撲

秋望

趙元稹

慘結秋陰西風送絲絲雨濕凝望眼征鴻幾字暮投
沙磧欲往鄉關何處是水雲浩蕩連南北但修眉一
抹有無中遙山色天涯路江上客腸已斷頭應白

空搔首興嘆莫年離隔欲待忘憂除是酒柰酒行欲
盡愁無極便挽將江水入樽罍澆膏臆

程正伯

門掩垂楊寶香度翠簾重疊春寒在羅衣初試素肌
猶怯薄靄籠花天欲暮小風送角聲初咽但獨衾幽
愧悄無言傷初別衣上雨眉間月滴不盡顰空切
羨栖梁歸燕入簾雙蝶愁緒多於花絮亂柔腸過似
丁香結問甚時重理錦囊書從頭說

前人

水遠山明秋容淡不禁搖落况樓臺高處晚涼猶薄

月在衣裳風在袖，冰生枕簟香生幙。笑四時佳處是
清秋，須行樂。東籬下，西窓角，尋舊菊，催新酌。笑廣
平何事，對秋消索。搖葉聲聲深院宇，折荷寸寸閑池
閣。待歸來，閑把木犀花，重薰却。

晁無咎

華髮春風長歌罷，傷今感昨。春正好，瑤墀已歎侍臣
冥寞。牙帳塵昏，餘劔戟，翠幃月冷，虛絃索。記往歲龍
坂，誤曾登，今飄泊。賢人命，從來薄。流年竟，赴誰託。
繞南枝，身似未眠飛鵲。射虎山邊，追舊迹，騎鯨海上。
尋前約，便與世，江湖未相忘，還堪樂。

詠雨

張安國

斗帳高眠，寒窓靜，瀟瀟雨意。南樓近，更移三鼓，漏傳
一水，點點不離楊柳外。聲聲只在芭蕉裏，也不管滴
破故鄉心，愁人耳。無似有，遊絲細，聚復散，真珠碎。
天應分付與，別離滋味。破我一床蝴蝶夢，輸他雙枕
鴛鴦睡。向此際，別有好思量，人千里。

二
懷秋

秋滿灘源，瘴雲淨，曉山如簇。動遠思，空江小艇，高丘
喬木。策策西風，雙鬢底，暉暉斜日。朱闌曲，試側身，四
首望京華，迷南北。思歸夢，天邊鵠。遊宦事，蕉中鹿。

想一年好處砌紅堆綠羅帕分柑霜落蔭米盤剥菜
珠盈掬借春纖縷鱸搗香葦新菊熟

三

千古淒涼興亡事但悲陳迹凝望眼吳波不動楚山
空碧巴滇綠駿追風遠武昌雲旆連天赤笑老姦遺
臭到如今留空壁 邊書靜烽烟息通軺傳銷鋒鏑
仰太平天子聖明無敵蹙踏揚州開帝里渡江天馬
龍為匹看東南佳氣鬱葱葱傳千億

梅

程觀過

春欲來時長是與江梅有約還又向竹林踈處一枝

開却對酒漸驚身老大看花應念人離索但十分沉
醉祝東君長如非 芳草渡孤舟泊山歛黛天垂幕
黯銷魂無柰暮雲殘角便好折來和雪戴莫教酒醒
隨風落待殷勤留此寄相思誰堪託

蔣竹山

秋本無愁柰客裏秋偏岑寂身老大快敲秦缶懶移
陶甕萬恨曾因踈處起一聞且向貧中覓笑新來多
事是征鴻聲嘹唳 雙戶掩孤燈剔書束架琴懸壁
笑人間無此小窓幽閒浪遠微聽葭葉響雨殘細數
梧桐滴正依稀夢到故人家誰橫笛

潑火初收，秋千外輕烟漠漠。春漸遠，綠楊芳草，燕飛池閣。已著單衣寒食後，夜來還是東風惡。對空山寂寂，杜鵑啼，梨花落。傷別恨，閑情作。十載事，驚如昨。向花前月下，共誰行樂。飛蓋低迷南苑路，前袞悵望東城約。但老來憔悴，惜春心，年年覺。

幽居

呂居仁

東里先生家何在，山陰溪曲對一川。平野數椽茅屋，昨夜岡頭新雨過，門前流水清如玉。抱小橋，回合柳參天，搥新綠。疎籬下，叢叢菊，虛簷外，簫簫竹。嘆古足問此春，春醞酒何時，今朝熟。

僧晦庵

今得失是非榮辱，須信人生歸去好。世間萬事何時足，問此春春醞酒何時，今朝熟。擾擾勞生待足何時是，足據見定隨家豐儉，便堪龜縮得意濃時，休進步，須防世事多番覆。枉教人白了少年頭，空碌碌。誰不願黃金屋，誰不愛千鍾粟，柰五行不是這般題目，枉使心機空計較。兒孫自有兒孫福，又不須採藥訪蓬萊，但寡慾。

杜鵑

康伯可

惱殺行人，東風裏為誰啼血。正青春未老，流鶯方歇。

蝴蝶枕前顛倒夢，杏花枝上朦朧月。問天涯何事苦
關情，思離別。聲一喚，腸千結。閩嶺外，江南陌。正長
堤楊柳，翠條堪折。鎮日叮嚀千百遍，只將一句頻頻
說道，不如歸去，不如歸，傷情切。

寫懷

岳飛

怒髮衝冠，凭欄處、瀟瀟雨歇。抬望眼，仰天長嘯，壯懷
激烈。三十功名塵與土，八千里路雲和月。莫等閑、白
了少年頭，空悲切。靖康恥，猶未雪。臣子恨，何時滅。
駕長車，踏破賀蘭山缺。壯志飢餐胡虜肉，笑談渴飲
匈奴血。待從頭、收拾舊山河，朝天闕。

旅思

張仲宗

春水連天，桃花浪，幾番風惡。雲乍起，遠山遮盡，晚風
還作。綠遍芳洲，生杜若。楚帆帶雨，煙中落。認向來沙
觜，共停橈，傷飄泊。寒猶在，衾偏薄。腸欲斷，愁難着。
倚蓬窓，無寐引盃孤酌。寒食清明都過了，可憐孤負
年時約。小樓日日望歸舟，人如削。

上夔帥樂秘閣生日

李居厚

玉帳西來道，前是綉衣使者。游覽處，秋風鼓吹自天
而下。湘水得霜，清可鑒。巫峯過雨，森如畫。有神仙佳
致，在胸襟，真瀟灑。荊州寶元無價，夔門政長多暇。

聽談兵樽俎百川傾瀉此日壽觴容我勸它年樞柄
遠公把趣桂花時節去朝天香隨馬

游子明

一舸歸來何太晚鬢絲如織謾嘆息淒涼往事盡成
陳迹山迫暮州浮紫翠溪搖寒浪翻金碧看長虹渴
飲下青冥危欄濕誰可住烟蘿側俗士駕當回勒
伴岩扃須是碧雲仙客風月已供無盡藏溪山更衍
清涼國恨謫仙蘇二不曾來無人說

春晚

劉叔擬

着意留春留不住春歸難戀最苦是梅天烟雨麥秋

庭院嫩竹陰濃鶯出谷柔桑未盡蚕成繭柰沈腰寬
盡有誰知難消遣幽閣恨雙眉歛香牋寄飛鴻遠
向風簾羞見一雙歸燕翠被閑將情做夢青樓賺得
恩成怨對尊前莫惜喚瓊姬持盃勸

暮春

辛幼安

點火櫻桃照一架荼蘼如雪春正好見龍孫穿破紫
苔蒼壁乳燕引雛飛力弱流鶯喚友嬌聲怯問春歸
不肯帶愁歸腸千結層樓望春山疊家何在烟波
隔把古今遺恨向他誰說蝴蝶不傳千里夢子規叫
斷三更月聽聲聲枕上勸人歸歸難得

史邦卿

緩轡西風歎三宿遲遲行客桑梓外鋤耰漸入柳坊
花陌雙闕遠騰龍鳳影九門空鎖鴛鴦翼更無人擲
笛傍宮墻苔花碧天相漢民離國天厭虜臣離德
趁建瓴一舉再收鰲極老子豈無經世術詩人不預
平戎策辦一襟風月看升平吟春色

劉潛夫

金甲瑯戈記當日轅門初立磨盾鼻一揮千岳龍蛇
猶濕鐵馬曉嘶營壁冷樓船夜渡風濤急有誰憐援
臂故將軍無功級平戎策從軍什零落盡慵收拾

把茶經香傳時時溫習生怕客談榆塞事且教兒誦
花間集歎臣之壯也不如人今何及

赤壁懷古

戴式之

赤壁磯頭一番過一番懷古想當時周郎年少氣吞
區宇萬騎臨江貔虎噪千艘烈焰魚龍怒卷長波一
鼓困曹瞞今如許江上渡江邊路形勝地興亡處
覽遺蹤勝讀史書言語幾度東風吹世換千年往事
隨潮去問道旁楊柳為誰春搖金縷

齊雲月酌

盧申之

樓倚晴空炎雲淨晚來風力滄海外等閑吹上蒲輪

寒壁河漢低垂天欲近，乾坤浩蕩秋無極。凭欄干衣
袂拂青冥，知何夕。登眺地，追疇昔。吳越事，皆陳迹。
對清光，祇有醉吟消得。萬古悠悠，惟月在。浮生衮衮
空頭白，自騎鯨仙去。有誰知，遙相憶。

秋感

宋謙父

舉扇西風，又十載重遊秋浦。對舊日江山，錯愕鬢絲
如許。世事興亡，空感慨，男兒事業誰堪數。被老天開
眼看人忙成今古。江上路，喧輦鼓。山中地，紛豺虎。
謾乾坤許大，着身何處。名利等成，狂夢寐，文章亦足
閒言語。賴雙投酒熟，蟹螯肥，忘羈旅。

送李御帶珙

吳毅甫

紅玉階前，問何事、翩然引去。湖海上一汀鷗鷺，半帆
煙雨。報國無門空自怨，齊時有策從誰吐。過垂虹亭
下，繫扁舟、鱸堪煮。拚一醉，留君住。歌一曲，送君路。
遍江南江北，欲歸何處。世事悠悠，渾未了、年光冉冉。
今如許，試舉頭一笑，問青天，天無語。

風泉峽觀泉

劉坼父

雲壑飛泉，蒲根下懸流，陸續堪愛。處石池湛湛，一方
寒玉。暑際直當磐石坐，渴來自引懸瓢掬。聽冷冷清
響，瀉淙琤，勝絲竹。寒照膽，消炎燠。質徹骨，無塵俗。

笑幽人忻翫滯留空谷靜坐時看松鼠飲醉眠不礙
山禽浴喚仙人伴我酌瓊瑤餐秋菊

趙介之

去去春光留不住情懷索寞那堪是日長人困雨餘
寒薄葉底青青梅勝豆枝頭顆顆花留萼歎流年空
有惜春心憑春酌歌共酒誰酌酢非與是忘今昨
且隨時隨分強歡尋樂世事燕鴻南北去人生烏兔
東西落問故園不負送春期明年約

郭承禧

五十頭顱早已覺飛騰景暮愁眼看蜂黃蝶粉草煙

花露莫做陽臺雲雨夢休懷渭北春天樹悵城闌多
少踏青人紅塵路懷古恨憑書訴傾國貌障羞妬
記山陰陳迹群賢星聚對景裁詩真謾興看花不飲
成虛負問落紅千點總隨流歸何處

春雨

汪紫巖

檢點春光陰雨過三分之一從頭數元宵燈夕都無
晴日不碍郊原肥草綠但漫丘壑沉雲黑那東君忒
煞沒綱維春無力燕忙甚泥渾濕蜂愁甚脾無蜜
更兩旬又是梨花寒食鶯啣殷桃吾不較豈堪浸爛
連疇麥望前村白鷺襯霞紅探晴色

吳履齋

柳帶榆錢，又還過清明寒食。天一笑，滿園羅綺，滿城
簫笛。花樹得晴紅欲染，遠山過雨清如滴。問江南池
館有誰來，江南客。烏衣巷，今猶昔。烏衣事，今誰覓。
但年年燕子，晚煙斜日，抖擻一春塵土債。悲涼萬古
英雄迹，且芳樽隨分，趁芳時，休虛擲。

秋興

元遺山

老樹荒臺，秋興動，悠然獨酌。秋老江山憔悴，鬢華先
覺。人到中年，元易感，眼看華屋歸零落。笑世間惟有
醉鄉民，平生樂。凌浩蕩，觀寥廓。月為燭，雲為幄。盡
百川都釀，不供杯杓。身外虛名，將底用。古來已錯。今
尤錯，喚野猿山鳥，一時歌休休莫。

二

天上飛鳥，阿誰遣，東生西沒。明鏡裏，朝為青髮，暮為
華髮。弱水蓬萊三萬里，夢魂不到金銀闕。更幾人能
有謝家山，飛仙骨。山鳥啜林花，發玉盃冷，秋雲滑。
彭殤共一醉，不爭毫末。鞭石何年滄海過，三山只是
尊中物，暫放教老子，據胡床，邀明月。

三

江上窪尊，人道有浮休遺跡。尊俎地，江山如畫，百年

岑寂白鶴重來城郭在山花山鳥渾相識任與君載
酒半山亭追疇昔人易老時難得歡未減悲還及
美身前身後杳無終極一笑何須留故事千年誰復
知今日持醉來橫卧隴頭雲林間石
段克已

欲把長繩維白日暫留春住親友面一回相見一回
非舊擾擾膠膠塵世事不如人意十常九向斜陽無
語倚危樓空搔首活國手談天口都付與尊中酒
這情懷又是去年時候風外絲絲飛絮亂柳邊湛湛
長江去問老來還有幾多愁愁如許

侯彥周

困頓春眠無情思夢魂飄泊簷外雨霏霏冉冉乍晴
還落山黛四圍頻入眼柳絲一縷低紫閣念沈郎多
感更傷春腰如削風入戶香穿箔花似舊人非昨
任遊蜂雙燕經營拂掠海濶錦魚傳不到洞深紫鳳
期難約謾綵牋牙管倚西窓題紅葉

括盧仝有所思

林政大

為憶當時沉醉裏青樓弄月閑想像綉幃珠箔翳飛
心拆羞向姮娥談舊事幾經三五盈還缺望翠眉蟬

鬢一天涯傷離別 尋昨夢巫雲結流別淚湘江咽
對花深兩岸揔成悲切試與含愁彈綠綺知音不遇
絃空絕窓前一夜寄相思梅花發

壽大山兄

小山

七十人稀嘗記得少陵舊語誰知道五園庵主壽今
如許書底青瞳如月樣鏡中黑鬢無雙處與人間世
味不相投神仙侶 文漢史詩唐句字晉帖碑周鼓
這千年勲業一年一部擘擘紫芝商隱皓猗猗綠竹
淇瞻武問先生何處更高歌凭椿樹

段成已

料峭東風吹醉面向人如舊凝竚立野禽聲裡無言
搔首庭下梅花開盡也春痕已到江邊柳待人間事
了覓清懽身先朽 菟裘計何時有林下約床頭酒
怕流年不覺鬢邊還透往事不堪重記省舊愁未斷
新愁又把春光分付少年場從今後

別大名親舊

許魯齋

河上徘徊未分袂孤懷先怯中年後此般憔悴怎禁
離別淚苦滴成襟畔濕愁多擁就心頭結倚東風搔
首謔無聊情難說 黃卷內消白日青鏡裏增華髮

念歲寒交友故山烟月虛道人生歸去好誰知美事
雙難得計從今佳會幾何時長相憶

詞十將牡丹

彭巽吾

翠袖餘寒早添得銖衣幾重何須怪妍華都謝更為
誰容啣盡吳花成鹿死人間不恨雨和風便一枝流
落到人家清淚紅山霧濕倚熏籠垂鬣兼鬢酥融
恨宮雲一朵飛過空同白日長閑青鳥在楊家花落
白蘋中問故人忍更負東風尊酒空

金陵懷古

薩天錫

六代豪華春去也更無消息空悵望山川形勝已非

疇昔王謝堂前雙燕子烏衣巷口曾相識聽夜深寂
寞打孤城春潮急思往事愁如織懷故國空陳迹
但荒烟衰草亂鴉斜日玉樹訶殘秋霞冷胭脂井壞
寒蟿泣到如今只有蔣山青秦淮碧

燈花

胡惠齋

狀元黃
由妻

暝靄黃昏燈檠上熒熒初炙銀焰裊孤光分夜寸心
凝碧留照嬌顏歡笑偶上元慶賞嬉遊夕笑聚螢積
雪與偷光寒儒憶蝶眷戀成何得花傳喜知何日
聽鄰家昨夜扣閣誰覓燭短始知新月上搖紅孤館
因風急恨那人別後不成眠時時剔

南京夷山驛丙子之變宮娥多北遷

王昭儀

太液芙蓉渾不似舊時顏色曾記得恩承雨露玉樓
金闕名播蘭簪妃后裡暈潮蓮臉君王側忽一朝輦
鼓揭天來繁華歇龍虎散風雲滅千古恨憑誰說
對山河百二泪霑襟血驛館夜驚塵土夢宮車晚碾
關山月問嫦娥相顧肯相容隨圓缺佩楚軒容談昭儀下張瓊英題
花影鷗鷺驚驚相比瘦近來不是傷春病嗟流景竹外
野橋猶整烟艇誰引斜川歸興便啼鶻總少無柰
流水孤村愛塵事頓消來訪深隱向醉裏誰扶滿身

梅子黃時雨病子思歸

張叔夏

時聽待掉擊空明魚波千頃彈斷琵琶留不住愁人
最是黃昏近江風緊一行柳陰吹暝

雪明鳩鵲夜道君

望五雲多處春探開闔苑別就蓬島正梅雪韻清桂
月光皎鳳帳籠簾縈嫩風御座深翠金間纔半天中
香泛千花燈掛百寶聖時觀風重臘有簫鼓沸空
錦繡匝道競呼盧氣貫彫歡笑袖裏金錢擲下來侍
宴歌太平春藻願年年此際迎春不老

雪梅香秋思柳耆卿

景蕭索危樓獨倚面晴空動悲穉情緒當時宋玉磨

同漁市孤煙裊寒碧水村殘葉舞愁紅楚天濶浪浸
斜陽千里溶溶 臨風想佳麗別後愁顏鎮斂眉峯
可惜當年損乖雨跡雲蹤媚態妍姿正歡洽落花流
水忽西東無限恨相思意盡分付征鴻

一枝春

除夕除

楊守齋

竹爆驚春競喧闐夜起千門簫鼓流蘇帳暖翠鼎緩
騰香霧停杯未舉柰剛要送午詩句磨自賞歌字清
圓未誇上林鶯語 從它歲窮日暮縱閑愁怎減劉
郎風度屠蘇辨了迤邐柳忻梅妬宮壺未曉早驕馬
繡車盈路還又把月夕花朝自今細數

六么令

小山

日高春睡喚起懶裝束年年落花時候慣得嬌眠足
學唱宮梅便好更暖銀笙逐黛娥低綠堪教人恨却
似江南舊時曲 常記東樓夜雪翠幕遮紅燭還是
芳酒盃中一醉光陰促曾笑陽臺夢短無計怜香玉
此歡難續乞求歌罷借取歸雲畫堂宿

二

雪殘風信悠颺春消息天涯倚樓新恨楊柳幾絲碧
還是南雲鴈少錦字無端的寶釵瑤席彩絃聲裡拚
作尊前未歸客 遙想疎梅此際月底香英密別後

誰遶前溪手揀繁枝摘莫道傷高懷遠付與臨風笛
儘堪愁寂花時往事更有多情箇人憶

柳耆卿

澹烟殘照搖拽溪光碧溪邊殘桃深杏迤邐深春色
昨夜扁舟泊處枕展當灘磧波聲漁笛驚回好夢夢
裡欲歸歸不得展轉翻成無寐因此傷行役思念
多媚多嬌咫尺千山隔都為深情密愛不忍輕離拆
好天良夕鴛幃寂靜笑得也應暗思憶

重九

周美成

快風收雨亭館清殘燠池光靜橫秋影岸柳如新沐

聞道宜城酒美昨日新醅熟輕鑿相逐衝泥策馬來
折東籬半開菊華堂花艷對列一一驚即目歌韻
巧共泉聲間雜琮瑋玉惆悵周郎已老莫唱當時曲
幽歡難卜明年誰健更把茱萸再三囑

賀方回

暮雲消散簾捲畫堂曉殘薰燼蠟隱映綺席金壺倒
塵送行鞭裊裊醉指長安道波平天杳蘭舟欲上回
首離愁滿芳草身外浮名擾擾已負狂年少無柰
風月多情此去應相笑心記歌聲縹緲翻是相思調
明年春早宛溪楊柳依舊青青為誰好

京中清明

李琳

淡烟疎雨香逕渺啼鳩新晴晝簾閑捲燕外寒猶在
依約天涯芳草染得春風碧人間陳迹斜陽今古幾
縷游絲趁飛蝶柳向尊前起舞又覺春如客翠袖
折取嫣紅笑與簪華髮回首青山一點簷外寒雲疊
梨花淡白柳花飛絮夢繞闌干一株雪

應天長

重陽

柳耆卿

殘蟬聲漸絕傍碧砌脩梧敗葉微脫風露凄清正是
登高時節東籬霜乍結綻金蕊嫩香堪折聚宴處落
帽風流未饒前哲把酒與君說恁好景佳辰怎忍

虛設休效牛山空對江天凝咽塵勞無暫歇遇良會
剩偷歡悅歌未闕盃興方濃莫便中輟

葉夢得

松陵秋已老正柳岸田家酒醅初熟鱸膾尊羹萬里
水天相續扁舟凌浩渺寄一葉暮濤吞沃青蘋笠西
塞山前自翻新曲來往未應足便細雨斜風有誰
拘束陶寫中年何待更須絲竹鴟夷千古意笑入手
比來尤速最好是千點雲峯半篙澄綠

留別

詞話

雕鞍成謾駐望斷也不歸院深天暮倚遍舊日曾共

憑肩門戶踏青何處所想醉拍春衫歌舞征旆舉一
步紅塵一步回顧 行行愁獨語想媚容今宵怨即
不住來為相思却又空將愁去人生無定據嘆後會
不知何處愁萬縷憑仗東風和淚吹與

駐馬廳 亦名應天長

柳耆卿

鳳枕鴛幃二三載如魚似水相知良天好景深憐多
愛無非盡意依隨柰何伊恣性靈忒照些兒無事孜
煎萬回千度怎免分離 而今漸行漸遠漸覺雖悔
難追謾恁寄消寄息終久奚為也擬重論繾綣爭柰
翻覆思惟縱再會只恐恩情難似當時

王漏遲

宋子京

杏香消散盡須知自昔都門春早燕子來時綉陌亂
鋪芳草蕙圃妖桃過雨弄笑臉紅篩碧沼深院悄綠
楊巷陌鶯聲爭巧 蚤是賦得多情更遇酒臨花鎮
辜歡笑數曲欄干故國謾勞凝眺漢外微雲盡處亂
峯鎖一竿脩竹間琅玕東風淚零多少

韓魏公子都尉嘉彦才質清秀頗有豪氣因言語
間與公主參商安置鄧州泊春來感懷作此詞都
下盛傳因教池開公主出遊教池李師師獻此詞
以侑觴聲韻悽惋公主問辭之所由師師具道其
意公主因緣感疾帝乃
遣使速召嘉彦還都

程正伯

一春渾不見那堪又是花飛時節忍對危欄數曲暮
雲千疊門外星星柳眼看誰似當時風月愁萬結憑
誰為我慇懃低說不是慣却春心柰新燕傳情舊
鶯饒舌冷篆餘香莫放等閑消歇縱使繁紅褪盡猶
有酴醿堪折魂夢切如今不柰飛來蝴蝶

滿庭芳

秋思

晏叔原

南苑吹花西樓題葉故園懽事重重凭欄秋思閑記
舊相逢幾處歌雲夢雨可憐便流水西東別來久淺
情未有錦字繫征鴻年光還少味開殘檻菊落盡
溪桐謾留得樽前淡月淒風此恨誰堪說與清愁付
綠酒杯中佳期在歸時待把香袖看啼紅

警悟

東坡

蝸角虛名蠅頭微利笑來着甚干忙事皆前定誰弱
又誰強且趁閑身未老儘教我此子踈狂百年裏渾
教是醉三萬六千場思量能幾許憂愁風雨一半
相妨又何須抵死說短論長幸對清風皓月苔裯展
雲幙高張江南好千鍾美酒一曲滿庭芳

二

歸去來兮吾歸何處萬里家在岷峨百年強半來日
苦無多坐見黃州載閩兒童盡楚語吳歌山中友鷄

豚社飲相勸老東坡 云何當此際人生底事來往
如梭待閑看秋風洛水清波好在堂前細柳應念我
莫剪柔柯仍傳語江南父老時與聯漁簑

三

歸去來兮清溪無底上有千仞崖我畫樓東畔天遠
夕陽多老去君恩未報空回首彈鋏悲歌船頭轉長
風萬里歸馬駐平坡 無何何處是銀潢盡處天女
停梭問人間何事久戲風波顧謂同來稗子應爛汝
腰下長柯青衫破群仙笑我千縷掛煙蓑

余居黃五年將赴臨汝作滿庭芳一篇別
黃州既至南都蒙恩放歸陽羨復作一篇

春景

少游

晚兔雲開春隨人意驟雨纔過還晴古臺芳榭飛燕
蹴紅英舞困榆錢自落鞦韆外綠水橋平東風裏朱
門映柳低按小秦箏 多情行樂處珠鈿翠蓋金轡
紅纓漸酒空醺醪花困蓬瀛豆蔻梢頭舊恨十年夢
屈指堪驚凭欄久踈烟淡月微映百層城

二

山抹微雲天連衰草畫角聲斷譙門暫停征棹聊共
引離尊多少蓬萊舊事空回首煙靄紛紛斜陽外寒
鴉數點流水繞孤村 銷魂當此際香囊暗解羅帶

輕分謾羸得青樓薄倖名存此去何時見也襟袖上
空惹啼痕傷情處高城望斷燈火已黃昏

三

紅蓼花繁黃蘆葉亂夜深玉露初零霽天空濶雲淡
楚江清獨掉孤篷小艇悠悠過烟渚沙汀金鈎細絲
綸慢捲牽動一潭星 時時橫短笛清風皓月相與
忘形任人笑生涯泛梗飄萍飲罷不妨醉卧塵勞事
有耳誰聽江風靜日高未起枕上酒微醒

四

碧水驚秋黃雲凝暮敗葉零亂空階洞房人靜斜月

照徘徊又是重陽近也幾處處砧杵聲催西窓下風
搖翠竹疑是故人來 傷懷增悵望新懽易失往事
難猜問籬邊黃菊知誰為開謾道愁須帶酒酒未醒
愁已先回憑闌久金波漸轉白露點蒼苔

山谷

初縮雲鬟才勝羅綺便嫌柳巷花街占春才子容易
託行媒其柰風流債負煙花部不免差排劉郎恨桃
花片片流水惹塵埃 風流賢太守能籠翠羽宜醉
金釵且留取垂楊掩映廳堦直待朱轡去後從伊便
窄襪弓鞋知恩否朝雲暮雨還向夢中來

夏景

周美成

風老鶯雛雨肥梅子午陰嘉樹清圓地卑山近水潤
費爐烟人靜鳥鳶自樂小橋外新綠濺濺凭闌久黃
蘆苦竹擬泛九江船年年如社燕飄流瀚海來寄
脩椽且莫思身外長近樽前憔悴江南倦客不堪聽
急管繁絃歌筵畔先安枕簟容我醉時眠

李西美

一種江梅偷傳春信夜來先綻南枝嫩苞寒萼粧點
綴胭脂雪裏渾迷素質明月下惟有香肌山村路人
家舍窄低亞水邊籬偏宜壽陽女新粧淡淡粉面
曾施更胡笛羌管塞曲爭吹陌上行人暫聽香風動
都入愁眉音書杳天涯望斷折寄擬憑誰

和左丞范致虛

宋徽宗

詞話

寰宇清夷元宵遊豫為開臨御端門暖風搖曳香氣
靄輕氛十萬鈞陳燦爛鈞臺外羅綺繽紛歡聲裏燭
龍銜耀黼藻太平春靈鰲擎綵岫水輪遠駕初上
祥雲照萬宇嬉遊一視同仁更起維垣大第通宵燕
調燮良臣從茲慶都俞賡載千載樂昌辰

陳瑩中

擾擾忽忽紅塵滿袖自然心在溪山尋思百計真箇

不如閑浮世紛華夢影囂塵路來往循環江湖手長
安障日何似把魚竿 盤旋那忍去他邦縱好終異
鄉關向七峯回首清淚班班西望煙波萬里扁舟去
何日東還分携處相期痛飲莫放酒盃慳

二

淮葉繽紛江煙濃淡別樽同倒寒暄未逢春信霜露
惹征衣往事元無是處何須待回首知非春鶻語從
來勸我常道不如歸 家山何處近江樓簾棟夕卷
朝飛問西江筍箴何似鱸肥且置華胥舊夢忘言處
千古同時君知我平生心事相契古來稀

三
贈劉紫

稿木形骸浮雲蹤跡一年兩到京華又還乘興往看
洛陽花聞道鞋紅最好春歸後終委塵沙忘言處花
開花謝不似我生涯 年華留不住飢餐困寢觸處
為家這一輪明月本自無瑕隨分冬裘夏葛都不會
赤水黃茅誰知我春風一拐談笑有丹砂

跛子年來形容何似儼然一部髭鬚世間許大拐上
做工夫選甚南州北縣逢着處酒滿葫蘆熏熏醉不
知明日何處度明晡 洛陽花看了歸來帝里一事

全無又還與瓠羹再作門徒、鷓地思量下水浪網上
蘆蓆橫鋪呵呵笑、睢陽門外有箇大南湖。

寄信道

紅葉飄零寒煙疎淡、樓臺半在雲間、望中風景圖書
也應難、又是重陽過了、東籬下黃菊闌珊、陶潛病風
流載酒、秋意與人閑、霞冠歌倒處、瑤臺唱罷如夢
中還、但醉裏贏得滿眼青山、華髮看看滿也、留不住
當日朱顏、平生事從頭話了、獨自却凭欄。

趙德麟

玉枕生涼金缸傳晚、敗葉飛破新秋雨、餘翻浪渺渺

阻行舟、暫繫汀洲側畔、風夜起、荻葉添愁、銀屏遠、龍
香漸盡、還似夢揚州、更籌何太永、當年情事、今日
堪酬、最苦恨、紅樓笑我飄浮、為寄相思、細字教字字
愁、蹙眉頭、淒涼久、漁人唱曉、隨月過橫溝。

晁次膺

綠遶群峯紅搖千柄、夜來暑雨初收、共君乘興輕舫
信悠悠、且盡一樽別酒、荷香裏、滿酌輕謳、明朝去、征
帆夜落、何處好汀洲、風流吾小阮、朝辭東觀、夕向
南州、况聖時、爭教賈傅淹留、若過潯陽、亭上琵琶淚
莫灑、清秋堤邊柳、從今愛惜、留待繫歸舟。

木犀

向伯恭

月窟蟠根雲巖分種絕知不是塵凡琉璃剪葉金粟
綴花繁黃菊周旋避舍友蘭蕙羞殺山樊清香遠秋
風十里阜觀已先參酒蘭聽我語平生半世江北
江南經行處無窮淶水青山常被此花相惱思共老
結屋中間不因爾薌林底事游戲到人寰

沈會宗

疎才藏鍾輕煙籠角幾家簾幕燈光暮砧聲斷空壁
鎖寒螢入袂西風陣陣徹醉骨都不勝涼欄干外依
稀嫩菊月色冷如霜仙鄉何處是雲深路杳不念

劉郎但畫橋流水依舊垂楊要見時時便見一向價
只作尋常爭知道愁腸淚眼獨自箇重陽

五斗相逢千鍾一飲古今樂事無過香生銀瓮浮蟻
浴春波漱艷光凝醖面輕風皺淺碧宮羅乘歡處傾
壘痛飲珠貫引清歌云何君不飲良辰美景聚少
離多忍恣放春風容易蹉跎但願一樽常共花陰下
急景如梭湏沉醉彫鞍歸去爭看醉顏酡

與周熟仁試賜茶甘露寺 米元章

雅燕飛觴清譚揮坐使君高會群賢密雲雙鳳初破

縷金團窗外爐煙自動開瓶試二品香泉輕淘起香
生玉塵雪濺紫甌圓 嬌鬟宜美盼雙擎翠袖穩步
紅蓮坐中客翻愁酒醒歌闌點上紗籠畫燭花驄弄
月影當軒頻相顧餘歡未盡欲去且留連

古今詞話

風急霜濃天低雲淡過來孤鴈聲切鴈兒且任畧聽
自家說你為離群到此我共箇人人才別松江岸黃
蘆叢裡天更待飛雪 聲聲腸欲斷和我也點點珠
淚成血這一江流水流也嗚咽告你高飛遠舉前程
事永無磨折休煩惱飄零散聚終有見時節

臨安晚登臨

程正伯

南月驚烏西風破鴈又還是秋滿平湖採蓮人盡寒
色戰菰蒲舊信江南好景一萬里輕覓尊鮪誰知道
吳儂未識蜀客已情孤 憑高增悵望湘雲盡處都
是平蕪問故鄉何日重見吾廬縱有荷紉菱製終不
似菊短籬踈歸情遠三更雨夢依舊遶庭梧

吉席

胡浩然

瀟灑佳人風流才子天然分付成雙蘭堂綺席燭影
搖熒煌數幅紅羅繡帳寶粧篆金鴨焚香分明是美
蕩浪裏一對浴鴛鴦 歡娛當此際山盟海誓地久

天長願五男二女七子成行男作公卿將相女須嫁
君宰侯王從茲去榮華富貴福祿壽無疆

和胡明仲桂花詞

劉彥沖

秋入微陰涼生平遠小山愁絕天南似聞還斷飛策
遍千岩葉底輕黃纂纂惱人是微裂芳絨脩然勝清
真冷淡無艷寄塵凡澄潭歎兩岸波光搖動碧影
相參任西風十里吹度松杉我自寒灰槁木凝神處
不覺醺醺歸來晚飛花無迹明月滿空函

土民瞻

霜雨初收晚風微度萬家簾捲青煙暗塵隨馬人物

似神仙試問天公借月天須放明月教圓應移下廣
寒宮殿燈火接星躔盧川元古郡當時太守賓從
俱賢到如今萬井歌吹喧闐花下紅粧賣酒時相遇
曲水橋邊誰知道山城父老重見中興年

促織兒

張功甫

月洗高梧露溥幽草寶釵樓外秋深土花沿翠螢火
墜墻陰靜聽寒聲斷續微韻轉淒曠悲沉爭求侶殷
勤勸織促破曉機心兒時曾記得呼燈灌穴歛步
隨音任滿身花影猶自追尋携向華堂戲闌亭臺小
籠巧粧金今休說從渠牀下涼夜聽孤吟

送張守漢卿赴召

李子召

麥秀連雲桑枝重綠史君佳政流傳鳳銜丹詔來自
九重天千里歡騰祖帳棠陰外多少攀轅津亭路統
如五鼓難駐鄧侯船 光華家世事門中列戟圯上
遺編况建炎勲業畫凌烟此去朝端濟美看平步
兩兩台躔須知道中興盛治主聖賴臣賢

留別

劉伯寵

柳裊金絲梨鋪香雪一年春事方中燭前一見花艷
覺羞紅枕臂香痕未落舟橫岸作計匆匆明朝去暮
天平水雙漿碧雲東 隔離歌一闋琵琶聲斷燕子

樓空歎陽臺夢杳行雨無蹤後會美蕖未老從今去
日望歸鴻愁如織斷腸啼鴉饒舌訴東風

元夕上邵武王守子文

戴式之

草木生春樓臺不夜團團月上雲霄太平官府民物
共逍遙指點江梅一笑幾番負雨秀風嬌今年好花
邊把酒歌舞醉元宵 風流賢太守青雲志氣玉樹
丰標是神仙班裏舊日王喬出奉版輿行樂金蓮照
十里笙簫收燈後看看丹詔催入聖明朝

春感

吳毅甫

漠漠春陰踈踈春雨鶉鳩喚起春眠小園人靜獨自

倚秋千又見飄紅墮雪芳徑裏都是花鈿年年事閑
愁閑悶桂在綠楊邊尋思都遍了功名竹帛富貴
貂蟬但身為利鎖心被名牽爭似依山傍水數椽外
二頃良田無縈絆炊粳釀秫長是好花天

懷舊

吳益恭

宿雨滋蘭輕風颭柳新來隨處和融幽蘭曲徑花氣
巧相通燕子繞飛又語帶芹泥時點芳叢微中酒日
長睡起心事在眉峯年年春好處聯鑣蕩槳拾翠
接紅任金貂醉脫不放杯延誰信風流一別當時事
已逐飛鴻雲山晚開千

李菩薩十月牡丹

汴京遇仙樓

元裕之

梅閣詩話

天上殷韓解羈官府爛遊舞榭歌樓開花讓酒來看
帝王州常見牡丹開後獨占斷殺雨風流仙家好霜
天槁葉穠艷破春柔狂僧誰借手一杯喚起綠怨
紅愁天香國艷梅菊背人羞盡揭紗籠護日容光動
玉華瓊舟都人士女年年十月常記遇仙樓

殘梅

李易安

小閣藏春閑窓鎖畫畫堂無限深幽篆香燒盡日影
下簾鈎手種江梅漸好又何必臨水登樓無人到寂
寥恰似何遜在揚州從來知韻勝難堪雨藉不耐

風揉更誰家橫笛吹動濃愁莫恨香銷雪減須信道
掃跡情留難言處良宵淡月疎影尚風流

僧兒 廣漢營妓

團菊包金叢蘭減翠畫成秋暮風烟使君歸去千里
倍潸然兩度朱旛鴈水全勝得陶侃當年如何見一
時盛事都在送行篇 愁煩梳洗懶尋思陪宴花月
湖邊有多少風流往事縈牽聞道霓旌羽駕看看是
玉局神仙應相許冲雲被霧一到洞中天

唐漢營妓僧兒秀外惠中善填詞有戴公兩作漢守寵之既而得請玉局之筭以歸僧兒作此見意

天香 冬景

王通叟

霜瓦鴛鴦風簾翡翠今年較是寒早矮釘明窓側開
朱戶斷莫亂教人到重陰未解雲共雪商量未了青
帳垂氈要密紅爐圍炭宜小 呵梅弄粧試巧繡羅
衣瑞雲芝草伴我語時同語笑時同笑已被金樽勸
酒又唱新詞故相惱盡道窮冬元來恁好

對梅花懷王侍御龜齡 劉方叔

漠漠江臯迢迢驛路天教為春傳信萬木叢邊百花
頭上不管雪飛風緊尋交訪舊惟翠竹寒松相認不
意牽詩動興何心襯粧添暈 孤標最甘冷落不許
蝶親蜂近直自從來潔白箇中清韻儘做重聞塞管

也何害香銷粉痕盡待到和羹繞明底蘊

水調歌頭

東坡

明月幾時有把酒問青天不知天上宮闕今夕是何
年我欲乘風歸去唯恐瓊樓玉宇高處不勝寒起舞
弄清影何似在人間轉朱閣低綺戶照無眠不應
有恨何事長向別時圓人有悲歡離合月有陰晴圓
缺此事古難全但願人長久千里共嬋娟

熙寧丙辰中秋東坡居士歡飲達旦大醉作水調
歌頭蕪懷子由元豐間都下傳唱此詞神宗問內
侍因得上塵乙覽讀至又恐瓊樓玉宇高處不勝
寒之句上曰蘇軾終是愛君乃命量移汝州

快哉亭

蘇子瞻

落日繡簾捲亭下水連空知君為我新作窓戶濕青
紅長記平山堂上歌枕江南煙雨杳杳沒孤鴻認得
醉翁語山色有無中一千頃都鏡淨倒碧峯忽然
浪起掀舞一葉白頭翁堪笑蘭臺公子未解莊生天
籟剛道有雌雄一點浩然氣千里快哉風

春行

山谷

瑤草一何碧春入武陵溪溪上桃花無數花上有黃
鸝我欲穿花尋路直入白雲深處浩氣展虹霓祗恐
花深裏紅露濕人衣坐白石歌玉枕拂金徽謫仙
何處無人伴我白螺盃我為靈芝仙草不為朱唇丹

臉長嘯亦何為醉舞下山去明月逐人歸

夷堅支志云此詞舊傳黃魯直所作王晦叔願堂集云蜀人石耆翁言此莫將少虛壯年詞也能道其詳少虛又有浣溪沙一闕云寶釧湘裙上玉梯雲重應悵翠雲低愁同芳草兩萋萋又一詞云歸夢悠悠未見真繡衾恰有異香薰五更分得楚臺春皆造語工新但晚歲醉心富貴不復事文章今人鮮有知其所作者

滄浪亭

蘇子美

瀟灑大湖岸淡竚洞庭山魚龍隱處烟霧深鎖渺瀰間方念陶朱張翰忽有扁舟急漿撇浪載鱸還落日暴風雨歸路遶汀灣丈夫志當景盛耻踈閑壯年何事憔悴華髮改朱顏擬借寒潭垂釣又恐鷗鳥相

猜不肯傍青綸刺棹穿蘆荻無語看波瀾

劉仲方

落日塞垣路風勁戛貂裘翩翩數騎閑獵深入黑山頭極目平沙千里惟見琯弓白羽鐵面駭驂騮隱隱望青冢特地起閑愁漢天子方鼎盛四百州王顏皓齒深鎖三十六宮秋堂有經綸賢相邊有縱橫謀將不作翠蛾羞戎虜和樂也聖主永無憂

重陽

韓無咎

今日我重九莫負菊花開試尋高處携手躡屐上崔嵬放目蒼崖萬仞雲護曉霜成陣知我與君來古寺

倚脩竹飛檻絕纖埃
笑談間風滿座酒盈盃
仙人跨海休問隨處是
蓬萊落日平原西望鼓角秋深悲
壯戲馬但荒臺細把茱萸看一醉且徘徊

詠月

韓子蒼

江山自雄麗風露與高寒
寄聲月姊借我玉鑑此中
看幽壑魚龍悲嘯倒影星辰
搖動海氣夜漫漫擁起
白銀闕危駐紫金山
表獨立飛玉佩整雲冠漱水
濯雪眇視萬里一毫端
回首三山何處聞道群仙笑
我邀我欲俱還揮手從此去翳鳳更驂鸞

葉夢得

何處難忘酒朱夏日偏長
湖山地勝瀟湘十里菱荷
香柳外新蟬驚晚樓上疎簾
垂翠簟枕晚生涼紈扇
搖霜月曲水泛流觴
流年去今古夢幾千場
虛名浮利輸却幾許好時光
幸有碧雲深處存取朱顏綠
鬢流落又何妨莫厭人間世
頻入醉中鄉

凱歌寄湖南安撫劉舍人

張安國

猩鬼嘯篁竹玉帳夜分弓
少年荆楚劒容突騎錦襜
紅千里風飛雷厲四校星流
彗掃蕭斧挫春葱談笑青
油幕日奏捷書同
詩書帥黃閣老黑頭公家傳鴻
寶秘畧小試不言功
聞道璽書頻下看即沙堤歸去

帷幄日從容，君王自神武。一舉朔庭空。

建炎庚戌題吳江

中吳紀聞

平生太湖上，短棹幾經過。如今重到何事，愁與水雲多。擬把匣中長劍，換取扁舟一葉，歸去老漁蓑。銀艾非吾事，丘壑已蹉跎。鱸新鱸，斟美酒，起悲歌。太平生長，豈謂今日識干戈。欲瀉三江雪，浪淨洗胡塵，千里不挽天河。回首望霄漢，雙淚墮清波。

武昌南樓落成次王漕韻

李居厚

撫景幾今古，遺恨此江山。百年形勝，但見幽草雜枯菅。多少名流登覽，賴有神扶壞棟，詩墨尚斑斑。風川

要磨洗，願我已衰顏。

擎天手，攜玉斧，到江干。一新

竒觀，領客觴，詠有餘。閑烟草半川，開霽城郭兩州相。望都在畫屏間，便擬騎黃鶴，直上扣雲關。

旅思

劉德脩

客夢一回醒，三度碧梧秋。仰看今夕天上，河漢又西流。早晚涼風過，鴈驚落空堦。一葉急雨，開清溝，歸計休。令暮宵露漑征裘。

古來今生老病，許多愁，那堪

更說無限功業。鏡中羞，只有青山高致，對此還論世事。舉白與君浮，送我一盃酒，誰起舞涼州。

春半

劉改之

春事能幾許，密葉着青梅。日高花困，海棠風暖，想都
開。不惜春衣典盡，只怕春光歸去，片片點蒼苔。能得
幾時好，追賞莫徘徊。雨飄紅，風換翠，苦相催。人生
行樂，且須痛飲，莫辭杯。坐則高談，風月醉則恣眠芳
草，醒後亦佳哉。湖上新亭好，何事不曾來。

朱元晦入西

富貴有餘樂，貧賤不堪憂。那知天路幽險，倚伏互相
酌。請看東門黃犬，更聽華亭清淚，千古恨難收。何似
鴟夷子，散髮弄扁舟。鴟夷子，成霸業，有餘謀。收身
千乘卿相，歸把釣魚鉤。春晝五湖煙浪，秋夜一天雲

月，此外儘悠悠。未棄人間事，吾道付滄洲。

孫清州生日

魏華父

九十九峯下，百二十年州。西風吹起客塵，月滿驛南
樓。影入天河左，界辰在壽星。向上還是去年秋。要和
木蘭曲，載酒壽君侯。天邊信雲外步，去難留。壽觴
庭院依舊已帶別離愁。離合鍾情，未免富貴閑人何
事，浪白世間頭。將相時來身健，百無憂。

劉靜甫

殘臘捲愁去，春至莫閑愁。榮枯會有成說，無處着機
謀。身世石中敲火，富貴草頭垂露，何用苦貪求。三尺

布衣劔千載赤松遊
憶親朋方外角
揔白頭羊腸
世路巖嶮莫莫且休休
選甚范侯高爵
遮莫陶公鉅
產爭似五湖舟
萬事付蝸角
止坎謾乘流

傳公謀

草草三間屋
愛竹旋添栽
碧紗窓戶
眼前都是翠雲
堆
一月山翁高卧
踏雪水村清冷
木落遠山開
唯有平安竹
留得伴寒梅
家童開門看
有誰來客來一
笑清話煮茗
更傳杯
有酒只愁無客
有客又愁無酒
酒熟且徘徊
明日人間事
天自有安排

辛幼安

落日古城角
把酒勸君留
長安路遠
何事風雪弊貂裘
散盡黃金身世
不管秦樓人怨
歸計狎沙鷗
明夜扁舟去
和月載離愁
功名事身未老
幾時休
詩書萬卷
致身須到古伊周
莫學班超
投筆縱得封侯
萬里
憔悴老邊州
何處依劉客
寂寞賦登樓

劍閣

崔與之

萬里雲間戍
立馬劔門關
亂山極目無際
直北是長安
人苦百年塗炭
鬼哭三邊鋒鏑
天道久應還
手寫留屯奏
炯炯寸心丹
對青燈搔白髮
漏聲殘
老來勛業未就
妨却一身閑
梅嶺綠陰青子
蒲澗清泉白

石怪我舊盟寒烽火長安報歸夢到家山

獻田都統

劉之翰

夷堅支丙

涼露洗金井一葉下梧桐謫仙浪游何事華髮作詩
翁烏帽蕭蕭一幅坐對清泉白石矯首撫長松獨鶴
歸來晚聲在碧霄中 神仙宅留玉節駐金狻黔南
一道十萬貔虎控雕弓笑折碧荷倒影自唱采蓮新
曲詞句滿秋風劍佩八千歲長入大明宮

田世輔為金州都統制荆南人劉之翰者待峽州
遠安主簿闕作此詞獻之田覽之大喜致書約來
金城欲厚加資給之翰遽亡明年田出閱武見之
翰立道左泣曰人鬼殊塗公能恤吾家亦足表踐
言之義忽不見田大驚
異亟送千緡與其孤

懷長江二友

願堂

長江飛鳥外明月衆星中今來古往如此人事幾般
風又對團團紅樹獨跨寒驢歸去山水澹丰容遠色
動愁思不見兩詩翁 酒如澆談如綺氣如虹當時
痛飲狂醉只許賞心同響絕光沉休問俛仰之間陳
迹我亦老飄蓬望久碧雲晚一鴈度寒空

時方旱祈雨大作

胡幼黃

有喜君初度風雨作秋聲連旬烈日稻畦麥壠欲揚
塵好是天瓢在手笑把群龍呵叱四野注如傾勃勃
生意滿翠浪湧縱橫 君知否仁者壽壽斯仁自從

三代而下民命寄蒼旻滿目桑麻谷粟滿目簿書期
會試說與仁人小試作霖手蘇醒永新民

譚秋堂

平方

富貴在何許五十已平頭人生得失且笑休遣兩眉
愁管甚輪雲世變管甚風波世態沙渚且盟鷗止即
儘教止流即儘教流田可秫山可藪又何求問天
只覓窮健遊戲八千秋好對梅花如粉細剪燭花如
豆不改舊時遊翠袖更能舞騎鶴上揚州

游龍門

元遺山

灘聲蕩高壁秋氣靜雲林迴頭洛陽城闕塵土一何

深前日神光牛背今日春風馬耳因見古人心一笑
青山底未受二毛侵問龍門何所似似山陰平生
夢想佳處留眼更登臨我有一卮芳酒喚取山花山
鳥伴我醉時吟何必絲與竹山水有清音

賀人新娶集曲名

哀長吉

紫陌風光好繡閣綺羅香相將人月圓夜早慶賀新
郎先自少年心意為惜殢人嬌態久俟願成雙此夕
于飛樂共學燕歸梁索酒子迎仙客醉紅妝訴忠
情處些兒好語意難忘但願千秋歲裏結取萬年歡
會恩愛應天長行喜長春宅蘭玉滿庭芳

屏間金孔雀、褥隱綉芙蓉、洞房花燭、夜玳筵、席藹香風、盈耳笙歌、繚繞滿眼、綺羅交錯、銀燭影、搖紅佳期、今夕裡、談笑畫堂中、皓齒歌、細腰舞、樂無窮、朱簾高捲、金爐香噴、瑞烟濃、仙子將臨、鳳閣、玉女下離蓬、島、同會、璽珠宮、門闌多喜色、女壻近乘龍、

千古嚴陵瀨、清夜月荒涼、水明沙淨、波面一葉、弄孤光、北望旄頭、天際、殺氣、連昏楚甸、雲樹失青蒼、愁絕未歸客、衰髮點吳霜、聽江邊、鳴寶瑟、想英皇、騎鯨

千古嚴陵瀨、清夜月荒涼、水明沙淨、波面一葉、弄孤光、北望旄頭、天際、殺氣、連昏楚甸、雲樹失青蒼、愁絕未歸客、衰髮點吳霜、聽江邊、鳴寶瑟、想英皇、騎鯨

金屋看承、它宮盡廢

第三哀遍

華宴夕、燈搖醉粉、齒音籠蟾、桂楊翠袖、含風舞輕妙、處驚鴻態、分明是、瑤臺瓊榭、閨苑蓬壺、景盡移此地、花繞仙步、鶯隨管吹、寶帳暖留春、百和馥郁、融鴛被、銀漏永、楚雲濃、三竿日、猶褪霞衣、宿醒輕腕、嗅宮花、雙帶繫合心、時波下、比目深憐到底

第四催拍

耳盈絲竹、眼搖珠翠、迷樂事、宮闈內、爭知漸國勢、陵夷姦臣、獻佞轉恣、奢淫天譴、歲屢饑、從此萬姓離心

山下樓一

解體 越遣使陰窺虛實蚤夜營邊備兵未動子胥
存雖堪伐尚畏忠義斯人既戮又且嚴兵卷土赴黃
池觀釁種蠱方云可矣

第五袞遍

機有神征輦一鼓萬馬襟喉地庭喋血誅留守憐屈
服歛兵還元如此當除禍本重結人心爭柰竟荒迷
戰骨方埋靈旗又指 勢連敗柔夷携泣不忍相拖
棄身在弓心先死宵奔弓兵已前圖謀窮計盡唳鶴
啼猿聞處分外悲丹縱近誰容再歸

第六歌拍

哀誠屢吐再東分賜垂暮日置荒隅心知愧寶鏐紅
委鴛存鳳去辜負恩憐情不似虞姬尚望論功榮還
故里 降令曰吳亡赦汝越與吳何異吳土怨越方
疑從公論合去妖類娥眉宛轉竟殞鮫鮪香骨委塵
泥渺渺姑蘇蕪荒鹿戲

第七然袞

王公子青春更才美風流慕連理耶溪一日悠悠回
首凝思雲鬟烟鬢玉珮霞裾依約露妍姿送目驚喜
俄迂玉趾 同仙騎洞府歸去簾櫳窈窕戲魚水正
一點犀通遽別恨何已媚鬼千載教人屬意况當時

金殿裏

排遍第八

怒潮卷雪巍岫布雲越襟吳帶如斯有客經游月伴
風隨值盛世觀此江山羨合放懷何事却興悲不為
回頭舊谷天涯為想前君事越王嫁禍獻西施吳即
中深機闔廬死有遺誓勾踐必誅夷吳未干戈出
境倉卒越兵投怒夫差昂沸鯨鯢越遭勅敵可憐無
幾脫重圍歸路茫然城郭丘墟飄泊積山裏旅魂暗
逐戰塵飛天日慘無輝

排遍第九

自念平生英氣凌雲凜然萬里宣威那知此際熊虎
塗窮來伴麋鹿卑棲既其臣妾猶不許何為計爭若
都燔寶器盡誅吾妻子徑將死戰決雌雄天意悲憐
之 偶聞太宰正檀權貪賂市恩私因將寶玩獻誠
雖脫霜戈石室囚繫憂嗟又經時恨不如巢燕自由
歸殘月朦朦寒雨蕭蕭有血都成淚備嘗險厄返邦
畿寃憤刻肝脾

第十擷

種陳謀謂吳兵正熾越勇難施破吳策惟妖姬有傾
城妙麗名稱西子歲方笄笄夫差惑此須致顛危危

蠡微行珠貝為香餌，
亭蘿不釣釣深閨。
吞餌果殊姿，素肌纖弱不勝羅綺。
鴛鏡畔粉面淡勻，梨花一朵瓊壺裏。
嫣然意態嬌春，寸眸剪水斜鬟，
鬆翠人無雙。宜名動君王，
繡履容易來登玉陛。

樂府雅詞載此詞于卷首，以排遍第八第九第十居前而入破第一以後者次之余以其字句參差無所附麗且詠西苑事無容分析也因照首章入此云

瀟湘夜雨

竹坡詞

曉色凝暎，霜痕猶淺。
九天春意將回，隔年花信先已。
到江梅沉水煙濃，如霧金波滿。
紅袖雙垂，仙翁醉問春何在，
春處玉東西。瑤臺人不老，
遠從赤壁來步。

天墀且細看，八磚花影，
遲遲會見朱顏綠鬢。
家長近咫尺，天威君知否。
天教雨露常滿歲寒枝。

和潘都漕九日詞

江繞淮城，雲昏楚觀，
一枝烟笛堆橫曉。風吹帽，
霜日照人明。暗惱潘郎舊恨，
應誰念菊老殘英。秋空晚柔
更細撚鬪，淥為誰傾。人間真
夢境，新愁未了，綠鬢星星。
問明年此會，誰寄幽情。荷盡
一樓殘照，何妨更月到簾旌。
憑闌久，歌君妙曲，誰是朱嘉榮。

三

楚尾江橫，斗南山秀，
輞川誰畫新圖。幾時天際，
平地

出方壺應念江南倦客家何在飄泊江湖天教共銀
濤翠壁相伴老人娛長淮看不盡風帆落處天在
平蕪笑人間此地豈是窮途好與婆婆娑盡日應須待
月到金樞山中飲從教笑我白首醉模糊

玉梅香慢

寒色猶高春力尚怯微律允催梅拆曉日輕烘清風
煩觸疑散數枝殘雪嫩美妬粉嗟素艷有蜂蝶全似
人人向我依然頓成離缺徘徊寸腸萬結又因花
暗成疑咽撚盡伶香不禁恨深難絕若是芳心解語
應共把此情細細說淚滿闌干無言強折

掃花遊

周美成

曉陰翳日正霧靄煙橫遠迷平楚暗黃萬縷聽鳴禽
按曲小腰欲舞細遶回堤駐馬河橋避雨信流去想
一葉怨題今在何處春事能幾許任占地持盃掃
花尋路淚珠濺姐嘆將愁度日病傷幽素恨入金徽
見說文君更苦黯凝竚掩重關遍城鐘鼓

楊無咎

乳鶯轉乍好夢初醒小軒清楚水沉細縷趁遊絲落
絮緩墮風舞骨起青心又是愁雲怨雨玉人去徧徙
倚舊時曾竝肩處相望知幾許縱遠隔雲山不遮

愁路捧盃薦俎記低歌麗曲共論心素薄恨斜陽不
道離情最苦正凝竚向譙門又催笳鼓

白雪

楊補之

檐收雨脚雲乍歛依然又滿長空紋蠟焰低熏爐燼
冷寒衾擁盡重重隔簾枕聽撩亂撲漉青蟲曉來見
玉樓疎殿恍若在蟾宮長愛越水泛舟藍閣立馬
畫圖中帳望幾多詩思無句可形容誰與問已經三
白忒是報年豐未應真箇情多老却天公

小聖樂

俗名驟雨打新荷

元遺山

輟耕

綠葉陰濃徧池亭水閣偏趁涼多海榴初綻朶朶威

紅羅乳燕雛鶯吳語對高柳鳴蟬相和驟雨過似瓊
珠亂撒打遍新荷人生百年有幾念良辰美景休
放虛過富貧前定何用苦張羅命友邀賓宴賞飲芳
醕淺斟低歌且酩酊從教二輪來往如梭

塞孤

行

柳耆卿

一聲鷄又報殘更歇秣馬巾車催發草草生人燈下
別山路險新霜滑瑤珂響起栖烏金鞍冷敲殘月漸
西風緊襟袖淒裂遙指白玉京望斷黃金關遠道
何時行徹笑得佳人疑恨切應念念歸時節相見了
執柔荑幽會處恨香雪免鴛衾兩恁虛設

朱雍

雪江明練靜波聲歇玉浦梅英初發隱隱瑤林堪乍
別瓊路冷雲堦滑寒枝晚已黃昏舖碎影留新月向
亭臯一任風冽歌起郢曲時目斷秦城闕遠道水
車清徹追念酥粧凝望切淡竚迎佳節應暗想日邊
人聊寄與同懽悅勸清樽忍負盟設

夢揚州

少游

晚雲收正柳塘煙雨初休燕子未歸惻惻輕寒如秋
小欄外東風軟透繡幃花密香稠江南遠人何處鷓
鴒啼破春愁長記曾陪燕遊酌妙舞清歌麗錦纏

頭殢酒困花十載因誰淹留醉鞭拂面歸來晚望翠
樓簾捲金鈎佳會阻離情正亂頻夢揚州

芭蕉雨

晏璧

角聲高吹夢斷月痕尚桂林稍萬葉千花似掃綠避
紅桃讓與寒梅獨殿還壯元宰相當消恁了却殘年
教人媿殺離騷富貴等鴻毛紛紛侍春穠李妖桃
自是冰魂欲解謾倩并力只道乾坤閑氣怎知他雪
雪風饗睡起望北斗闌干人間翠羽嘈嘈

玉女迎春慢

元

彭元遜

巽

淺入新年逢人日拂拂淡煙無雨葉底妖禽自語小

啄幽香還吐東風辛苦便怕有雌青人誤清明寒食
消得渡江黃翠千縷看臨小怕宜春填輕暈濕碧
花生霧為說釵頭裊裊繫着輕盈不住問即留一口似
昨夜教成鸚鵡走馬章臺憶得畫眉歸去

燭影搖紅

春恨

王晉卿

香臉輕勻黛眉巧畫宮粧淺風流天付與精神全在
嬌波轉早是縈心可慣更那堪頻頻顧盼幾回得見
見了還休爭如不見燭影搖紅夜闌飲散春宵短
當時誰解唱陽關離恨天涯遠無奈雲收雨散凭欄
干東風淚眼海棠開後燕歸來時黃昏庭院

安陸浮雲樓

廖世美

靄靄春空畫樓森聳凌雲渚紫薇登覽最閑情絕妙
誇能賦惆悵相思遲暮記當日朱欄共語塞鴻難問
岸柳何窮別愁芬絮催促年光舊來流水知何處
斷腸何必更殘陽極目傷平楚晚霽波聲帶雨悄無
人舟橫野渡數峯江上芳草天涯參差煙樹

上元

上鼎以道

吳大年

樓雪初消麗譙吹罷單于晚使君千炬起班春歌吹
香風暖十里珠簾盡捲正人在蓬壺閨苑賣新買酒
立馬傳觴昇平重見誰識遨頭去年曾侍傳棋宴

至今衣袖帶天香行處氤氳滿已是春宵苦短山真
遣歡遊意懶細聽歸路壁月光中玉簫聲遠

梅苑

點點飛香見梅知道春心透怕寒不捲玉樓簾羞與
花同瘦手撚青枝頻嗅諳冷落薔薇金斗翻驚綠鬢
不似芳姿年年依舊 絲破凝酥滿園桃李看看又
江南幽夢了無啼痕暈殘襟袖鴛被有誰溫綉怎敢
更十分帶酒伴君獨自幾箇黃昏月明時候

上元有懷

張材甫

雙闕中天鳳樓十二春寒淺去年元夜奉宸游曾侍

瑤池宴玉殿珠簾盡捲擁群仙蓬壺閣苑五雲深處
萬燭光中揭天絳管 馳隙流年恍如一瞬星霜換

今宵誰念泣孤臣回首長安遠可是塵緣未斷謾惆
悵華胥夢短滿懷幽恨數點寒燈幾聲歸鴈

盱江有懷

趙文昂

桃李墻頭向人都似他年意舞絲千丈颺晴光駘蕩
春無際花氣薰然自醉傍垂楊行行緩轡倦游無柰
回首雲山歸期猶未 孟鎖樓空鳥啼花外東風起
少年恩怨付波流臨望朱闌倚冉冉塵生客袂對尊
前高情暫寄洞天一笑仙馭乘空姑峯凝翠

閨情

孫夫人

乳燕穿簾亂鶯啼樹清明近
隔簾時度柳花飛猶覺
寒成陣長記眉峯偷隱臉桃紅難藏酒暈背人微笑
半鞦韆輕籠蟬鬢
別久啼多眼應不似當年俊
蒲團珠翠逞春嬌沒箇他風韻若見賓鴻試問待相
將綵牋寄恨幾時得見闌草歸來雙鴛微潤

侑舒信道中丞

懶堂女子

綠淨湖光淺寒先到芙蓉島謝池幽夢屬才郎幾度
生春草塵世多情易老更那堪秋風嫋嫋晚來羞對
香芷汀洲枯荷池沼恨鎖橫波遠山淺黛無心掃

湘江人去嘆無依此意從誰表喜趁良宵月皎况難
逢人間兩好莫辭沉醉醉入屏山吳歌天曉

熙州慢

送述古

張子野

武林鄉占第一湖山詠画爭巧鷺石飛來倚翠樓烟
靄清猿啼曉况值禁垣師帥惠政流入歌謠朝暮萬
景寒潮弄月亂峯迴照
天使尋春不早併行樂免
有花愁花笑持酒更聽紅兒肉聲長調瀟湘故人未
歸但目送游雲孤鳥際天杪離情盡寄芳草

望雲間

代州南樓

趙獻之

雲朔南陲全趙寶符河山襟帶名藩有朱樓縹緲千



原件短缺

雉田旋雲度飛狐絕險天圍紫塞高寒弔興亡遺跡
咫尺西陵煙樹蒼然時移事改極目春心不堪獨
倚危欄惟是年年飛鴈霜雪知還樓上四時長好人
生一世誰閑故人有酒一尊高興不減東山

卓牌兒

萬俟雅言

東風綠楊天如畫出清明院宇玉豔淡薄梨花帶月
燕支冷落海棠經雨單衣怯黃昏人正在珠簾笑語
相並戲蹴秋千共携手同倚闌干暗香時度翠
繡戶路繚繞潛通幽處斷魂凝佇嗟不似飛絮閒
閑愁難消遣此日年年意緒無攄柰酒醒春去

下輕鷗無情渭水問誰教日日東流常是送行人去
後煙波一向離愁回首舊游如夢記踏青帶飲拾
翠狂遊無端綵雲易散覆水難收風流未老拚千金
重入揚州應又似當年載酒依前名占青樓

康伯可

雲海沉沉峭寒收建章雪殘鳩鵲華燈照夜萬井禁
城行樂春隨鬢影映參差柳絲梅萼丹禁香鰲峯對
聳三山上通寥廓春衫綉羅香薄步金蓮影下三
千綽約冰輪桂滿皓色冷浸樓閣霓裳帝樂奏昇平
天風吹落留鳳輦通宵宴賞莫放漏聲閑却

梅花

李漢老

瀟洒江梅向竹梢
踈處橫兩三枝
東君也不愛惜雪
壓霜欺無情燕子
怕春寒輕失花期
惟是有南來塞
鴈年年長見開時
清淺小溪如練
問玉堂何似茅
舍踈籬傷心故人
去後冷落新詩
微雲淡月對孤芳
分付它誰空自倚
清香未減風流不
在人知

沈會宗

別酒初醒似一番
夢覺屈指堪驚
猶疑送消寄息
遇着人聽當初喚
作攄眼前峇畧看
承及去了從頭想
伊心下始覺寧寧
黃昏畫角重城更
傷高念遠懷

抱何勝良時好景
筭來半為愁生
幽期暫阻便就中
月白風清千萬計
年年斷除不得是
這些情

上元前一日立春

京仲遠

暖律初回又燒燈
市井賣酒樓臺誰
將星移萬點月
滿千街輕車細馬
隘通衢蹴起香埃
今歲好土牛作
伴挽留春色同來
不是天公省事要
一時壯觀特地安
排何妨綵樓鼓吹
綺席樽壘良宵勝
景語邦人莫惜徘
徊休笑我痴頑不
去年年爛醉金釵

梅苑

梅萼知春見南枝
向暖一朶初芳
冰清玉麗自然賦

得幽香烟庭水榭更無花爭染春光休謾說桃夭杏
冶年年蝶鬧蜂忙立馬竚凝情久念美人自別鱗
羽茫茫臨岐記伊尚帶宿酒殘粧雲踈雨濶怎知千
里思量除是託多情驛使殷勤折寄仙鄉

點點江梅對寒威強出一弄新奇零珠碎玉為誰密
上南枝幽香冷艷縱孤高却遣誰知惟只有江頭驛
伴征鞍獨為遲遲聊撚粉香重問問春來甚日春
去何時移將院落笑應未肯頭低無人共折傍溪橋
雪壓霜欺君不見長安陌上只誇桃李芳菲

張子野

紅粉苔牆透新春消息梅粉先芳奇葩異卉漢家宮
額塗黃何人闔巧運紫檀剪出蜂房應為是中央正
色東君別與清香仙姿自稱霓裳更孤標俊格非
雪凌霜黃昏院落為誰密解羅囊銀餅注水浸數枝
小閣幽窓春睡起纖條在手厭厭宿酒殘粧

玉減香銷被嬋娟誤我臨鏡粧慵無聊強開強解蹙
破眉峯憑高望遠但斷腸殘月初鍾須信道承恩不
在貌如何教妾為容風煖鳥聲和碎更日高院靜

花影重重愁來待只帶酒酒薄愁濃長門怨感恨無
金買賦臨筇翻動念年年伴女越溪共採芙蓉

仙詞

或云洞賓

橫笛聲沉倚危樓紅日江轉大斜黃塵邊火瀕洞何
處吾家胎禽怨夜來乘風玄露丹霞先生笑飛空一
劍東風猶自天涯情知道山中好早翠囂含隱瑤
草新芽青溪故人信斷夢隨車乾坤星火歸來了煮
石煎沙回首處幅巾蒲帳雲邊獨是桃花

見庶菴七學叢談

陽臺路

旅情

柳耆卿

楚天晚墜冷風敗葉踈紅零亂冒征塵匹馬驅區愁

見水遙山遠追念年時正恁鳳幃倚香偎暖嬉遊慣
又豈知前懽雲雨分散此際空勞回首望帝里難
收淚眼暮煙衰草萸暗鎖路岐無限今宵又依前寄
宿甚處蕭村山館寒燈半夜耿耿憑何消遣

暗香

姜白石

舊年月色萸幾番照我梅邊吹笛喚起玉人不管清
寒與攀摘何遜而今漸老都忘却春風詞筆但怪得
竹外踈花香冷入瑤席江國正寂寂嘆寄路遙夜
雪初積翠樽易泣紅萸無言耿相憶長記曾攜手處
千樹壓西湖寒碧又片片吹盡也幾時見得

羽音寂寞惟虛簾晝悄近來無鵲水葉吹寒極目凝
思倚江閣不信相如便老猶未減當時遊樂但趁他
鬪草籌花終是帶離索憶昨更情惡謾認着梅花
是君還錯石牀冷落閑掃松陰與誰酌一自飄零去
輕誤了燈前深約從到此歸未得幾曾忘却

張叔夏

西子粧

張炎

白浪搖天青陰漲地一片野情幽意楊花點點是春
心替風前萬華吹泪遙岑寸碧有誰看朝來清氣自
沉吟甚流光輕把繁華如此斜陽外隱約孤村隔

塢閑門閉漁舟何似莫歸來想桃源路通人世危橋
靜千年事都消一醉謾依依愁落鵲聲萬里

黃鶯兒

柳耆卿

園林晴晝春誰主暖律潛催幽谷暄和黃鸝翩翩乍
遷芳樹觀露濕縷金衣葉映如簧語曉來枝上綿蠻
似把芳心深意低訴無據乍出煖烟來又趁遊蜂
去恣狂踪跡兩兩相呼黃昏霧吟風舞當上苑柳濃
特別館花深處此際海燕偏饒都把韶光與

王晉卿

多情春意時節北圃人來傳道江梅依稀芳姿數

枝新發誇嫩臉着胭脂膩骨凝香雪問伊還記年時
正好相看因甚輕別情切往事散浮雲舊恨成華
髮美知空對綺檻雕闌孜孜望人攀折愁未見苦思
量待見重端疊願與永飭高唐雲雨芳菲月

鳳凰臺上憶吹簫

晁無咎

千里相思况無百里何妨暮往朝還又正是梅初淡
佇鶯未綿蠻陌上相逢緩響風細細雲日斑斑新晴
好得意未妨行盡春山應携後房小妓來為我盈
盈對舞花間便拚却松醪翠滿密炬紅殘須信征鞍
射虎清世裏曾有人閑都休說簾外夜久春寒

張世卿

長天霞散遠浦潮平危闌注目江臯長記年年榮遇
同是今朝金盞兩回命相對清光頻許揮毫雍容久
正茶盃初賜香袖時飄歸去玉堂深夜泥封罷金
蓮一寸才燒帝語丁寧曾被華袞親褒如今謾勞夢
想嘆塵踪杳隔仙鰲無聊意強當歌對酒怎消

梅

侯彥周

浴雪精神倚風情態百端邀勒春還記舊隱溪橋日
暮驛路泥乾曾伴先生蕙帳香細細粉瘦瓊閑傷半
落一夜夢回腸斷家山空教映溪帶月供遊客無

情折滿雕鞍便忘了明窓靜几筆硯同歡莫向高樓
噴笛花似我蓬鬢霜斑都休說今夜倍覺清寒

李易安

香冷金猊被翻紅浪起來慵自梳頭任寶奩塵滿日
上簾鈎生怕離懷別苦多少事欲說還休新來瘦非
干病酒不是悲秋 休休這回去也千萬遍陽關也
則難留念武陵人遠烟鎖秦樓惟有樓前流水應念
我終日凝眸凝眸處從今又添一段新愁

國香

蘭花

張炎

空谷幽人曳冰簪霧帶古意生春結根倦隨蕭艾獨

抱孤真自分生涯淡薄隱蓬蒿老山林風烟共憔悴
冷落吳宮草暗花深 霽痕消蕙雲向崖陰飲露
應是知心所思何處滿楚水湘雲肯信遺芳千古依
依澤畔行吟香魂幾成夢短操誰彈月冷瑤琴

醉蓬萊

慶老人
星現

柳耆卿

漸亭臯葉下隴首雲飛素秋新霽華闕中天鎖葱葱
佳氣嫩菊黃深拒霜紅淺近寶階香砌玉宇無塵金
莖有露碧天如水 正值昇平萬機多暇夜色澄鮮
漏聲迢遞南極星中有老人呈瑞此際宸遊鳳輦何
處度管絃聲脆太液波翻披香簾捲月明風細

永為屯田員外郎會太史奏老人星見時秋霽宴
禁中仁宗命左右詞臣為樂章內侍屬柳應制柳
方與進用作此詞奏呈上見首有漸字色若不憚
讀至宸遊鳳輦何處乃與御製真宗挽詞暗合上
慘然又讀至太液波翻曰何不言
波澄投之於地自此不復擢用

上巳日有懷

葉少蘊

問春風何事斷送繁紅便拚歸去牢落征途笑行人
羈旅一曲陽關斷雲殘靄做渭城朝雨欲寄離愁綠
陰千轉黃鸝空語 遙想湖邊浪搖空翠絃管風高
亂花飛絮曲水流觴有山翁行處翠袖朱欄故人應
也弄畫舫烟浦會寫相思尊前為我重番新句

中秋

謝幼槃

望晴峯染黛暮靄澄空碧天無漢圓鏡高飛又二年
秋半皓色誰同歸心暗拆聽喚雲孤鴈向月停盃錦
袍何處一尊無伴 好生南隣詩盟酒社刻燭爭成
引觴愁緩今夕樓中繼阿連清玩飲劇狂歌歌終起
舞醉冷光零亂樂事難窮踈星易曉又成浩歎

萬俟雅言

正波泛銀漢漏滴銅壺上元佳致絳燭銀燈若繁星
連綴明月逐人暗塵隨馬盡五陵豪貴鬢惹烏雲裙
拖湘水誰家姝麗 金闕南邊綵山北面接地羅綺
沸天歌吹六曲屏開擁三千珠翠帝樂 深鳳爐煙

噴望舜顏瞻禮太平無事君臣宴樂黎民歡醉

壽參政

劉圻父

正霜浮菊淺露染楓深九秋佳景梅報南枝一點和
羨信峻嶽生申太山瞻魯瑞啓千年運飛帛奎文儀
皇韶祉明良相慶歲值豐登道方開泰塞騎塵收
海鯨波靜幾斗璿樞仰三階平正保定乾坤親扶日
月萬宇同歌詠比壽彭聃侔勲周召致君堯舜

壽郁梅堃

梅城

倚東風笑問落紅啼鳩清明來未小雨弄晴做輕寒
天氣南極光中五雲深處人慶千秋歲翡翠屏間琉

璃簾下綵衣明媚九老風流五侯家數如此乾坤
有人如此天正煩君作江南一瑞世上今泰山中古
晉儘不經吾意但要牡丹年年今日伴人沉醉

趙德莊

向蓬萊雲渺姑射山深有春長好香滿枝南笑人間
驚早試問寒柯鏤冰裁玉費化工多少東閣詩成西
湖夢覺幾番清曉好是羅幃麝温屏暖却禦煙村
雨愁風惱一一清芬為東君傾倒待得明年翠陰青
子蔭鳳凰池沼更把陽和從頭付與繁花芳草

呂聖求

任落梅鋪綴鴈齒斜橋裙腰芳草門伴遊絲過曉園
庭沼廝近清明雨晴風軟稱少年尋討碧縷墻頭紅
雲水面柳堤花鳥誰信而今怕愁憎酒對着花枝
自踈歌笑鶯語丁寧問甚時重到夢筆題詩把綾封
淚向鳳簫人道處處傷心年年遠念惜春人老

壽史令人

篁粟

正花深繡閣帶拂流蘇暖簾初試窈窕笙歌擁新鮮
珠翠艷菊留金早梅催粉趁得瑤池會畫館凝香仙
家正住芙蓉城裏楊寢開祥玉枝祝壽列院歡娛
滿堂佳瑞福壽雙星現碧霄雲際京兆時收如臯樂

事占世間榮貴象服魚軒疏封大國齊眉千歲

碧牡丹

李致遠

破鏡重圓分釵合鈿重尋綉戶珠箔說與從前不是
我情薄都緣利役名牽飄蓬無定翻成輕負別後情
懷有萬千牢落經時最苦分携都為伊甘心寂寞
縱滿眼閑花媚柳終是強歡不樂待憑鱗羽說與相
思水遠天長又難托而今幸以再逢把輕離斷却

聲聲慢

夏景

劉巨濟

梅黃金重雨細絲輕園林霧烟如織殿閣風微簾外
燕喧鶯窳池塘彩鴛戲水露荷翻下點珠滴閒晝永

稱瀟湘竿叟爛柯仙客
日午槐陰低轉茶甌罷清
風頓生雙腋碾玉盤深朱李靜沉寒碧朋儕閑歌白
雪卸巾紗樽俎狼籍有皓月照黃昏眠又未得

宋徽宗

宮梅粉淡岸柳金勻皇州乍慶春迴鳳闕端門熬山
彩締蓬萊沉沉洞天向晚寶輿還花滿鈞臺輕烟裏
笑誰將金蓮陸地齊開是處笙歌鼎沸雕鞍趁金
輪隱隱輕雷萬家羅幕千步錦繡相挨銀蟾夜色如
晝共乘歡爭忍歸來踈鐘斷聽行歌猶在禁街

御製

欺寒衝暖占早春先江梅又報南枝暗香浮動偏宜
映月臨池天然素肌瑩骨笑等閑桃李芳菲勞夢想
似玉人羞懶弄粉粧逢常恐行歌聲斷猶堪恨無
情塞管輕吹寄遠丁寧折贈隴首雲飛前村夜來雪
裏端東君須索饒伊爛熳也笑百花猶自未知

石孝友

花前月下好景良辰厮守日許多時正美之間何事
便有輕離無端珠泪暗軟染征衫點點紅滋最苦是
慇懃密約做造相思
啞啞櫓聲離岸
覓斷處高城
隱隱天涯萬水千山一去定失花期東君闌來無賴

散春紅點破梅枝病成也到而今着箇甚醫

和吳夢窓賦梅

吳毅甫

挨晴撥暖載酒呼朋夷猶東圃西園綠萼枝頭兩三
初破輕寒平生自甘寂寞占冷妝不為人妍林逋去
問影踈香暗誰賦其間空想故山奇事正煙橫嶺
曲月浸溪灣杏錯桃訛那時青子都圓惟曉夢窓知
處對翠禽依約神仙休引角怕征人淚落塞邊

曹元寵

重簷飛峻麗綵橫空繁華壯觀都城雲母屏開八面
人在青冥憑欄瑞烟深處望皇居遙識蓬瀛回環

道五花相闔壓盡旗亭歌酒長春不夜金翠照羅
綺笑語盈盈陸海人山輻輳萬國歡聲登臨四時總
好况花朝月白風清豐年樂歲熙熙且醉太平

秋聲

蔣竹山

黃花深巷紅葉低窓淒涼一片秋聲逗雨深聲來中
間夾帶風聲踈踈二十五點麗譙門不鎖更聲故人
遠問誰搖珮簷低鈴聲彩角聲吹月堦漸連營烏
動四起笳聲閃爍鄰燈燈前尚有砧聲知他訴愁到
曉碎濃濃多少巷聲訴未了把一半分與鴈聲

閨重九飲郭園

吳君特

檀栾金碧婀娜蓬萊游雲不蘸芳洲露柳霜蓮十分
點綴殘秋新弯畫眉未穩似含羞低度墻頭秋送遠
駐西臺車馬共惜臨流知道池亭多宴掩庭花長
是驚落秦謳賦粉闌干猶聞凭袖香留輸他翠漣拍
瓷瞰新粧終日凝眸簾半捲帶黃花人在小樓

元遺山

林間鷄犬江上村墟扁舟處處經過袖裏新詩買斷
古木滄波山中一花一草也留教老子婆娑任人笑
風雲氣少兒女情多不待求田問舍被朝吟暮醉
慣得蹉跎百尺高樓更問平地如何朝來斜風細雨

喜紅塵不到漁簑一尊酒喚元龍來聽浩歌

元夕

高賓王

壺大不夜寶炬生香光風蕩搖金碧月艷冰痕花外
峭寒無力歌傳翠簾盡捲誤驚回瑤臺仙跡禁漏促
拚千金一刻未酌佳夕捲地香塵不斷最得意輸
它王陵狂客楚柳吳梅無限眼邊春色鮫綃暗中寄
與待重尋行雲消息乍醉醒怕南樓吹斷曉笛

李易安

尋尋覓覓冷冷清清悽悽慘慘戚戚乍暖還寒時候
正難將息三盃兩盃淡酒怎敵他晚來風急鴈過也

縱傷心却是舊時相識。滿地黃花堆積，憔悴損如
今有誰忺。摘守着窓兒，獨自怎生得黑。梧桐更兼細
雨到黃昏，點點滴滴。這次第，怎一箇愁字了得。

八聲甘州

旅情

柳耆卿

對瀟瀟暮雨洒江天。一番洗清秋。漸霜風淒緊，閨河
冷落，殘照當樓。是處紅衰綠減，苒苒物華休。惟有長
江水，無語東流。不忍登高臨遠，望故鄉渺渺，歸思
難收。嘆年來蹤跡，何事苦淹留。想佳人、妝樓凝望，誤
幾回天際識歸舟。爭知我、倚闌干處，正恁凝愁。

送參寥子

蘇東坡

有情風，萬里捲潮來。無情送潮歸。問錢塘江上西河
浦口，幾度斜暉。不用思量，今古俯仰，昔人非。誰似東
坡老，白首忘機。記取西湖西畔，正暮山好處，空翠
烟霏。笑詩人相得，如我與君稀。約他年、東還海道，願
謝公雅志，莫相違。西州路，不應回首為我沾衣。

追和東坡韻

晁無咎

謂東坡未老賦歸來。天未遣公歸。向西湖兩處秋波
一種飛靄，澄暉又擁竹西歌。吹僧老木蘭，非一笑千
秋事。浮世危機。莫倚平山欄檻，是醉翁飲處，江雨
霏霏。送孤鴻揮手相接，眼中稀念平生相從。江海任

飄蓬不遣此心違登臨事更何須惜吹帽淋衣

中秋夜作

張功甫

歎流光迅景百年間能醉幾中秋正婁蛩鳴砌驚鳥
翻樹烟淡蘋洲誰喚金輪出海不帶一雲浮縵上青
林頂低轉朱樓 人老歡情宜減料素娥信我不為
閑愁念幾番清夢常是故鄉留倩風前數聲橫管叫
玉鸞騎向碧空遊誰能願黍炊榮利蟻戰怨讐

程正伯

問東君既解遣花開不合放花飛念春風枝上一分
花減一半春歸忍見千紅萬翠容易漲桃溪花自開

流水無計追隨 不忍憑高南望記舊時行處芳意
菲菲歎年來春減花與故人非縱使梁園賦在柰長
卿老去亦何為搔首亂雲堆裡立盡斜暉

朱雍

聽琤琤漏末洗銀林梅英半寒收正蟾輝舒粉雲容
縷色切近粧樓人在東風竚立悄悄獨凝眸多少橫
斜影縈繞江流 只有清香暗度墮髻簪珥玉曾賦
清游認瑤車水輒佳致肯延留指蓬山丹砂初轉望
滄溟羽佩一同舟仙娥許酒澠與我消盡春愁

留客住

柳耆卿

偶登眺凭小樓艷陽時節乍晴天氣是處閑花芳草
遙山萬疊雲散漲海千里潮平波浩渺煙村院落是
誰家綠樹數聲啼鳥 旅情悄遠信沉沉離魂杳杳
對景傷懷度日無言誰表惆悵舊懽何處後約難憑
看看春又老盈盈淚眼望仙鄉隱隱斷霞殘照

雪月交光

劉行簡

正三五雲飛木末纖裳亂空交舞拂石歸來向上塔
微步欲喚冰娥暫憑風使為掃氛驅霧漸見停輪人
間未識高空真侶 千里無塵地連天向倦客西來
路迷江樹故國烟深想溪橋何處雲鬢分行翠眉縈

曲對夜寒樽俎清影徘徊端應坐有風流能賦

慶千秋

歐慶嗣

翰

點檢堯夔自元宵過了兩莢初飛葱葱鬱鬱佳氣喜
溢庭闈唯知降月裏姮娥欣對良時但見婺里騰瑞
彩年年輝映南箕 好是庭階蘭玉伴一枝丹桂戲
舞萊衣椒觴迭將捧獻歌曲吟詩如玉母款對群仙
同宴瑤池萱草茂長春不老百千祝壽無期

花草粹編卷之九終

想夢歸

雲頭頰



